



## Projetu Observasaun ba Parlamentu

### Relatoriu Parlamentu Nasionál: Setembru 2010

#### Part 1: Atktividade Plenária nian

##### a. Infómasaun jeral:

##### Plenária la'o loron saída?

- 01 Setembru 2010 (Komisaun Permanente)
- 08 Setembru 2010 (Komisaun Permanente)
- 15 Setembru 2010
- 20 Setembru 2010 (plenária normál Parlamentu)
- 21 Setembru 2010 (plenária normál parlamentu)
- 22 Setembru 2010 (plenária extraordinária Parlamentu)
- 23 Setembru 2010 (plenária extraordinária Parlamentu)
- 27 Setembru 2010 (plenária normál Parlamentu)
- 28 Setembru 2010 (plenária normál Parlamentu)
- 29 Setembru 2010 (plenária extraordinária parlamentu)

##### Plenária tuir agenda ka lae?

Plenária la'o tuir agenda maibé dalaruma deputadu sira kontinua viola oras servisu alias tama tarde, hanesan:

- iha fulan Setembru ne'e nia laran hahú husi loron 01 to'o 15 Setembru 2010, iha agenda enkontru komisaun permanente lolos hahú iha oras tuku 10.00 Dadeer maibé, enkontru hahú tarde iha tuku 10.35 Dader no iha loron 08 fulan Setembru 2010, quorum to'o maibé diskusaun komisaun permanente hahú tarde liu oras ida, hahú fali iha tuku 11.30 tanbá deputadu sira sei hein malu.
- Aleimde ne'e iha plenária normál parlamentu depois pasa ferias ka resesu fulan rua mós tama tarde iha loron 20-21 Setembru 2010. Tuir regimentu no agenda ne'ebé parlamentu fó sai ba publiku, plenária hahú tuku 09.00 maibé plenária hahú fali tuku 10 liu minutes balu. Iha loron 22-23 iha plenária extraordinária maibé Deputadu sira mós sei kontinua tama tarde tuku 10 liu tanbá hein malu no dalaruma la prenxe qourum.

##### Oinsá ho deputadu nia atndementu?

- Deputadu nia atndementu fulan Setembru ne'e la di'ak tanbá enkontru barak mak la'o tarde no la prense *quorum*.

##### Oinsá ho prosesu votasaun?

Prosesu votasaun, fóti kartaun matak signifika afavor, kontra mean no abstensaun ajul.

- Iha loron 08 Setembru 2010, Komisaun Permanente halo Votasaun projeitu rezolusaun No. 48/II konabá vizita official servisu Prezidente RDTL ba Nasoens Unidas, Portugal no União Europeia. Afavor 16, kontra 0, no absteinsaun 0.
- Iha loron 22 Setembru 2010 Parlamentu Nasionál halo votasaun ba projeitu lei No 19/II konabá Kriasaun Instituisional Memória ho vota afavor 45, Kontra 0 no Absteinsaun 8.no projeitu lei No 20/II konabá programa nasional ba reparasaun ho vota afavor 42, kontra 1 absteinsaun 14.
- Iha loron 27 Setembru 2010 Palamentu Nasionál halo votasaun ba Proposta Lei No 40/II konabá “Primeira Alteração à Lei No 13/2009, de 21 Outubru relativa ho Orçamento Gestão Financeira” a favor 33, kontra 11 no abstensaun 0.

**Oinsá deputadu sira nia participasaun (ativu ka pasivu)?**

- Deputadu sira iha fulan Setembru ne'e balun mak aktivu hodi koalia konabá sira nia rezultadu fiskalizaun, maibé balun pasivu ou nonok deit to'o enkontru remata.

**b. Infórmasaun konabá aktividade legislative**

**Plenária debatu ka simu proposta lei no projeitu lei saída?**

- La iha prosesu lejislativu iha loron 01-15 Setembru tanbá komisaun permanente no deputadu sira sei iha hela periode resesu nian, Komisaun Permanente nia knar atu akompanha servisu governu nian no kordena servisu komisaun Nasionál nian no asuntu seluk tan ne'ebé bele hare iha Prees release POP nian ho titlu “ Parlamentu Nasionál tama ba periode resesu parlamentar tinan lejislativu 2010 nian”. Públikusaun 21 Jullu 2010.
- Iha loron 20-21 Setembru parlamentu simu Projeitu de Lei Nº 20/II konabá Hari'i Instituisaun Memória no Projeitu Lei Nº 19/II Programa Nacional Reparasaun
- Iha loron 27 Setembru parlamentu simu proposta lei Nº 13/2009 konabá primeira alterasaun orsamentu jestaun financeira.

**Iha konsultasaun konabá esbosu lei ka lae?**

- Projeitu Lei Hari'i Instituisaun Memória no Reparasaun iha konsultasaun ho vitima sira no NGO maibé ne'e akontese iha fulan Augustu nia laran.
- No proposta konabá primeira alterasaun orsamentu jestaun financeira la iha konsultasaun tanbá ne'e pertensia ba kompetensia parlamentu ho parte governu.

**Iha partisipasaun hosi governu ka lae?**

- Konabá Projeitu Lei Kriasaun Instituisaun Memória no Reparasaun la iha partisipasaun hosi governu.
- Entertantu konabá primeira alterasaun orsamentu jestaun financeira partisipa hosi Ministra Finansas Emilia Pires iha plenária Parlamentu Nasionál.

**c. Infomasaun konabá aktividade fiskalizaun/infomasaun diversas/oversight**

**Plenária halo fiskalizaun konabá asuntu saída?**

Iha fulan ne'e deputadu sira ko'alia liu konabá;

- Kestaun Estrada ne'ebé sei aat no kotu iha fatin bara-barak
- Tanbá esstrada kotu fós MTCI mós tama susar ba iha area rural sira, no mota estraga hotu povu nia toos no natar.
- Dezastere naturais iha fatin oi-oin
- Deputadu sira husu nafatin konabá mekanismu fahe fós MTCI nian.

- Eletridade mate lakan iha Díli.
- Prezensa sineza iha Timor ne'e hanesan turismu ka investedor
- Persiza xama atensaun ba funsionario alfândega ka emigrasaun
- Asuntu veteranu
- Persiza control ro illegal ne'ebé tama illegal iha tasi timor
- Problema be'e mós iha Díli no distritus
- Biogas iha Lospalos lahetan manutensaun diak
- Problema idozus balun sidauk simu subsidio hosi MSS.
- Prexo sasan as maibé impostu tuun oinsá governu bele kontrola
- Aviaun merpati at beibeik. Tarifa ba Bali As li atinji \$ 200
- Persiza hadia aeroportu internasionál Díli.
- Exekusaun orsamentu capital dezenvolvimentu fó 30% uja ba aktividade emerjénsia.
- Implementasaun PEDN tenki releta planu orsamentu retifikativu

## **Part 2: Aktividade Komisaun A nian**

### **a. Infómasaun jeral:**

#### **Komisaun A la'ó loron saída?**

- Iha fulan Setembru Komisaun A la iha enkontru regular iha sala komisaun nian maibé, iha loron 28 Setembru 2010 komisaun A hato'ó sira nia relatóriu paracer konabá rekomendasaun hosi rezultadu aundensia públiku ne'ebé dahuluk halo ho vitima sira iha fulan Agostu ba meza plenária parlamentu
- Iha loron 28 presidente komisaun A Sra. Fernanda Mesquita Borges mós hato'ó infómasaun ba publiku liu husi média katak Komisaun A simu ona karta suspensaun imunidade ba membru governu Sr. Vise PM Jose Luis Guterres no Ministru Negostranjeiro Sr. Zacarias Albano da Costa ba Parlamentu Nasionál, hosi Sr. Primeiru Ministru Xanana Gusmão.

#### **Plenária tuir agenda ka lae?**

- Tuir plenária komisaun nian.

#### **Oinsá atendentu deputadu sira iha sesion komisaun A nian?**

- La iha Plenária komisaun A tanbá relatóriu paracer ne'e prepara antes feriadu no apresenta deit ba plenária parlamentu.

#### **Oinsá ho prosesu votasaun?**

- La iha prosesu votasaun

#### **Oinsá partisipasaun deputadu nian iha Komisaun A (ativu ka pasivu)?**

- La iha aktividade iha Komisaun A

### **b. Infómasaun konabá aktividade legislative**

La iha aktividade klegislativu

#### **Komisaun A debatu ka simu proposta lei ka projeitu lei saída?**

- Iha fulan ida ne'e Komisaun A sidauk simu proposta lei fóun

#### **Iha konsultasaun konabá esbosu lei ka lae?**

- La iha konsultasaun

#### **Iha partisipasaun hosi governu ka lae?**

- La iha partisipasaun husi governu

**c. Infómasaun konabá aktividade fiskalizaun/infómasaun diversas/oversight Komisaun A halo fiskalizaun konabá asuntu saída?**

- La iha

**d. Komentariu ka análiza seluk konabá Komisaun A nia aktividade?**

Membru deputadu Komisaun A defende vitima sira nia rekomendasau atu hetan sira nia diretu ba reparasaun maibé maioria Parlamentu Nasionál suspende tiha relatóriu paraser ne'ebé apresenta husi Prezidente Komisaun A ho nia membru sira.

**Iha komentariu ka análiza seluk konabá Komisaun A nia aktividade?**

- POP kongratula Komisaun A nia servisu tanbá bele defende vitima sira nia proposta ka rekomendasau atu kria instituisaun memória ne'ebé independente maske to'o ikus lahetan aprovasaun hosi membru parlamentu sira.

**e. Infómasaun jeral konabá Komisaun seluk**

**Iha infómasaun jeral konabá Komisaun seluk nia aktividade?**

Komisaun seluk nia aktividade ne'ebé POP hetan infómasaun liu husi agenda mak hanesan:

- Iha 27 Setembru 2010 Komisaun C apresenta sira nia relatóriu paraser konabá alterasaun lei no. 13/2009 konabá orsamentu gestaun finanseiru.

**Atu hetan análiza barak liu favor ida haree took públikusaun ne'e:**

Komunikadu Imprensa:

- "JSMP organiza tradusaun lian Tetun ba livru IV husi esbosu Lei Kódigu Sivil," públiku 08 Setembru 2010.
- "JSMP Hala'ó Fókus Gropu Diskusaun iha Distritu Díli", públiku 20 Setembru 2010
- "JSMP Hata'ó Submisaun konabá Esbosu Lei Kódigu Sivil, Parte "Direitu Família," públiku iha 23 Setembru 2010.
- "JSMP Hala'ó Workshop no Fahe Infómasaun Konabá Prosesu Lejislativu iha Suku Humboe, Distritu Ermera" Públiku iha 5 Outubru 2010.

Dokumentu Seluk:

- Iha lora 23 fulan Setembru 2010 JSMP liu sub unidade POP mós ható'ó Submisaun konabá Esbosu Lei Kódigu Sivil, ba Prezidente Komisaun A ho nia membru sira.

Bele asesu ba website JSMP nian, [www.jsmp.minihub.org](http://www.jsmp.minihub.org) iha parte PWP nia públikusaun.

